



偃師縣風土志略序

本縣古亳邑成湯都會也周武偃師於此始易名位於華洛之間為周漢畿內地南北高邛夾聳東西伊洛交流土地肥瘠風俗文野非有志載專書鮮有知其底蘊者縣志為是項志載之一但自民國十三年夏修纂以來屢修屢停距今已十年矣人地更易世事滄桑已有今昔之不同且屢經災禍之損失舊志已如碩果之僅存識者懼舊志失傳會議重修終以辦理不善中途擱淺迨予來長是邦知文獻之不可墮落也聘賢任能集款糾材舉凡有裨縣志之進行者靡不列作前提數閱月以來規模大備頗有完成之望而館員喬君竹坡於採訪之餘先輯風土志略一書舉以示予而簡要切實綱舉目張如山川羅列掌上觀文燃燒溫犀水中現魅豈特供修志之採擇哉亦切於人間之實用也行見洛陽紙貴矣予嘉是書之成也忘已

偃師縣風土志略

序

一

偃師樹德圖書館印

之不文而為之序

時在民國二十三年中秋日東甌楊兆鈞



京書

偃師縣風土志略序

古地理書之重視風土由來舊矣陸機洛陽記顧夷吳郡記張勃吳地記皆方志風土之類也地理書之有目錄昉自隋書經籍志其所載風土書蓋三十餘種或一卷或二卷多者不過三四卷古地理書之簡要切近莫不如斯宋元以降侈談文獻州縣之志踵事增華博而寡要非占法也周官土訓掌地圖以辨地物誦訓掌方志以知地俗其圖與志後世不可見要以辨地物知地俗經文固明示矣近世提倡民生注重物產重譯六洲之地物地俗多有知者顧往往於生長桑梓一鄉一邑之物俗反多茫然司教育者亦不之檢為學生者亦無所資舍己為人驚遠遺近猶之事農業者不辨自己田產之形質與物色而艷稱鄰家之物產與地力究何益哉民國二十二年秋余再充館職首重及此廣搜新舊方志風土之類以備搜採館員喬

偃師縣風土志略

序

一

偃師縣圖書館印

君竹坡擬其案稿彙為志略其有未諳者輒躬往探勘跋涉全縣六月成書凡五編曰地理曰物產曰建置曰政教曰禮俗綱舉目張大體略具原意在欲蒐為將來續志之藍本故重現在而略已往抑文物而闡民生亦可謂簡要切近便於實用者矣頃之監修楊縣長兆鈺贊以為可命付手民以供館員之商討與小學之旁參或亦不無小補於現代民生也民國二十三年八月縣修志館副館長武敬初序

偃師縣風土志略

緒言

顧亭林曰知錄序有言曰今人纂輯之書正如今人之鑄錢古人采銅於山今人則買舊錢名之曰廢銅以充鑄而已閩侯林傳甲察哈爾鄉土志緒言亦曰不喜於蒐輯故紙而喜於從新調查云云然則著書之役豈徒鈔襲舊聞所能了事哉余之為斯編其材料得之新採者十之八九錄於舊志者極少耳故余自充館員以來凡關於山水者必親履之而後為之記關於民事者必親訪之而後為之說文不避俗只求詳明事不厭細只求切實大致重民生而緩故蹟自春徂秋厯時數月而成為是集其見深見淺聊備一家之言以供修正志者之採焉耳非敢謂足以問世也時在民國二十三年立秋後三日

邑人竹坡喬榮筠叙於修志館

叙例

一本書言地理凡關於神話者如溫泉之僵人穴猴山之藏劍塚石橋之過仙洞之類概從畧

一本縣舊志注重考據凡記載山水無一貫之統系本書為通俗計凡境內山川用分章叙述法以求其具體之表現使閱者可當臥遊

一兩舊志誤認口孜河為休水將水經注本文北歷覆釜堆東句東改為西又不顧其與陵廟記內云景山北有畢氏先塋去縣十里休水經其南之語顯係矛盾今既認童鉦之言與輦志以休水為輦偃之界流入洛水為是因直叙休水不暇置辨以免糾紛

一地志之書閭若璩曾言人物一門可以從畧又按地學雜誌各縣風土志亦未有載人物者故此書於人物從畧

偃師縣風土志畧

序

三

偃樹德圖書館印

一本書秩序以類相從既重現在涉及沿革便覺夾雜故不言之

一本書於古蹟名勝如昇仙觀浮山溫泉等已見山水條內因不再贅只載陵墓亦係畧舉恐涉繁雜

一斯編目次其第一二編屬自然地理第三四五編屬人文地理

一我國以儒教為國教斯書禮俗篇內所叙生育婚喪祭祀等事皆為儒教之徵現而宗教章內亦引及之者以見儒教之大足以包容他教其國民性原有所宗也

編次

第一編 地理

- 一 位置
- 二 地勢
- 三 疆域山水略圖
- 四 印山 一
- 五 印山 二
- 六 中部諸崗陵
- 七 萬安山 一
- 八 萬安山 二
- 九 萬安山 三
- 十 萬安山 四

十一 萬安山 五

- 十二 伊洛
- 十三 劉水
- 十四 休水
- 十五 潯水
- 十六 諸水直線圖
- 十七 田畝
- 十八 土質
- 十九 水利

第二編 物產

- 一 麥穀之屬

偃師縣風土志畧

序

四

偃師縣圖書館印

二 蔬果之屬

三 動物之屬 附特產及土貨表

四 農產統計表

五 煤產 附煤礦斷面層表

六 石廠 附表

七 石灰 附表

八 鐵礦

九 硝鹽

十 其他礦產

十一 陶器 附表

第三編 建置

一 城府

第四編 政教

一 縣政

二 財賦 表五

三 教育 表二

四 保安 表一

八 謠

五 宗教

六 文化

七 居民

八 工商

第五編 禮俗

一 生育

二 婚娶

三 喪葬

四 祭祀

五 節序

六 香會

七 諺語

僊師縣風土志畧

序

五

僊師樹德圖書館印

偃師縣風土志畧

第一編 地理

(一) 位置

偃師縣之位置在河南省西東距開封三百六十里其地勢為蜂腰形東西廣七十里南北袤八十里其中腰狹處則東西僅十里東北至北平一千八百里東南至南京一千六百里東隣鞏縣至黑石關三十五里抵鞏縣城三十里西隣洛陽故城三十里抵洛陽縣城四十里西南至風門六十五里抵登封縣城五十里北至周家山三十里抵孟津縣三十里東北至溝腦三十里至鞏縣城三十里西北至叩馬村二十五里抵孟津縣城二十里東南至轅轅關五十五里抵登封縣城三十五里西南至水泉口六十五里抵洛陽縣七十里全縣面積為三千三百七十五方里

偃師縣風土志畧

一


偃師縣風土志畧
師樹德圖書館印

(二) 地勢

偃師地勢分南北兩坡北坡為叩嶺其土白鬆南坡近萬安山其土赤墳而紫中間為伊洛經流處平行多井田兩岸相距約十里皆土壁峻立人多傍崖鑿穴而居顯係河水冲流之斷岸層亦不知其為幾何年故論偃師之地勢兩坡皆宜麥棉而灘地宜於菜穀南山一帶水潦暴發多有冲為絕澗者若滑城河若馬澗河若劉澗河雖寬窄不等要皆年深日久水潦暴冲而成為溝壑縱橫之現狀是以順山之路多橋梁亦自然之地勢使然也若北坡則係叩嶺本不甚峻其居民多作天窰院者其式為天井深兩丈餘沿穴而下周圍為窰數孔冬暖夏涼調查民俗者每稱為有上古穴居遺風焉



津孟



(三) 全境疆域山水畧圖

四印山一

偃師北部之山曰印自陝西附二華而東來綿亘四百餘里起伏不一隨地立名屹然峙立於河洛之中西由洛西二十八里之鳳凰山入境東至石屹節出境以入於華共為五十餘里而鳳凰山為儘西第一峯其上有馮熙塚熙後魏時人為洛州刺史封昌黎王故亦曰馮王山其詳見金石錄陟其巔則西為洛境之朱家倉地方古塚累累坡坂無峻處也東半里為通山溝俗稱馬脈山道口查北處分水嶺僅數十武南溝十餘里通洛境張四批李密城遺址處北為路溝通劉坡亦十餘里乃自然之水溝俗傳李密開鑿此溝欲引黃河入洛未成而罷不可信因此處之高度以河道揆之勢若天淵絕非人力之可通也又東里許為羊鼻峯又東二里為獅子山山上有直武廟五楹乾隆五十六年知縣湯毓倬有碑記上平約二畝四室甚遠

其南數里有六坪橫列者為峨嵋山純係土嶺山凹之中有郭墳邢溝等村乃獅子山前案所夾處也再東為薄姬廟山南應溝口頭北應東蔡庄再東為要爺塚塚在嶺上廣約畝餘稍東即為噪胡嘴其山腰即為黑山凹乃著名之產石處也蓋自羊鼻峯至此山之腰皆產石山前之郭墳村山後之東蔡庄皆取材焉噪胡嘴之東二溝相合為潘屯所屬之上下洞夏日有香火會北應省庄東接土樓坡此坡純土無石狀若枕頭若覆舟皆取形象以為名再東則為首陽山舜帝廟在其山巔廟西隆起處為夷齊塚蓋自真武廟至此所踰數峯高者為薄姬廟低者為覆舟山皆首陽也舜帝廟下應杏園庄山腰又有啟石處焉東連平峯二里許為天平嶺東有石峽陂之大道西北可通潞澤焉再東呂家塚上為虎頭山再東二坡為槐廟坡應車站再東為磨盤山再東為杏花溝再東為嶧頭後坡俗名鏡鏡嶺

峯甚峻上有民國十五年新修玉皇閣望甚遠此
者為走不斷溝北應牛庄南應槐廟古人名為杏
壑皆為棉田西溝之水匯流於槐廟東溝之水即為二龍溝水
庄之南繞經玉皇閣并借東北關帝廟嶺以至古路溝之水皆
馬故城北之水山洪甚巨須有白虎堰之設也總之邑西之山其過
峽處皆有路山北之田直抵山頂山陽之田抵於山腰而山腰之不
能耕者皆產石其荒廢無用者亦有限耳溝壑之水不數里而一洩
若溝口頭溝家屯杏園庄槐廟站與城北關皆其洩水口也

印山二

印山在縣之東北者自二龍溝起遠視之西接玉皇閣之鏡鉞山平
行東趨漸東漸低約二十餘里無聳峻處不過溝壑與崗巒恒相
間畧有高低可指耳若近視之則岸高僅十丈許居人傍崖為屋其

偃師縣風土志畧

三

偃師縣圖書館印

塢頂平疇固不遠然此特就南麓言之耳其大勢則此山自城東散
放東馳至溝腦而入華南北厚約二十里較西北之楊庄省庄等處
厚約十里者不僅倍從焉縣城正北為二龍溝有路可抵牛庄逾此
則為龍虎嘴有文昌閣與關帝廟在焉又東為湯泉溝有路可通溝
腦又東逾嶺為韋塢溝而關蘭塢之水出焉又東為靈龜山其南岸
為化碧村有周大夫墓弘墓在焉又東為龍潭溝溝長八九里西溝
一井為蘭塢吸水處泉出中溝夾岸皆石廠南行里餘至嶺嘴五龍
廟處而東又有一泉流約六十步來入焉合而南流夾岸復多石廠
石墳色紅約五百餘步石盡而水亦渚矣又南行里許方出溝口溝
口東南有唐燕欽融墓在焉此處傍崖居者為徐家們為山圪塹崖
高僅七八丈鐵路卡房旁有武虛谷神道碑又東為台溝為古石佛寺
寺僅三間距鐵路八九步有石若假山狀刻佛像數十又東為琉璃

廟溝崖亦十丈許此琉璃廟者即岳墳廟狀甚麗現傾甚後殿瓦碧
輝耀俗人因以琉璃廟稱之焉此溝之石廠亦多又東半里許有崔
公惠民渠碑地名花園為溫泉渠盡頭第六排地處乃孫家灣之中
鎮也再東里許有張公義橋橫於溪上南距鉄道約八九十步北即
溫泉溝入溝東西兩岸多石廠石為豆青色黃河堤工終年用之今
尚未休也溝內里餘龍泉寺在西崖下左隣為龍泉學校康熙年間
知縣靈道悅曾為寄勝亭於此今之學校乃其遺址也校前有池畝
餘園之以堤周植以柳而為石閘於西南隅以資節放出池為渠深
廣約各三尺南流里餘出溝而西折灌地兩頃餘渠規每排三日流
地者共分六排焉校後畧東十餘步有泉湧出水量遜於溫泉名曰
壩泉與溫泉水併流南出溝經張公橋下東折灌田頃餘蓋此溪即
古之鄆水其上源溝壑縱橫約十餘里而奔會於此學校之北約五

里即有泉出但未暢也學校前後為泉源會萃之處隨在掘之皆有
水焉夏日清涼冬日愈寒而泉愈溫冰雪之際氣若沸騰未嘗結冰
亦奇異哉再東繫接即為鳳凰山古名紫王山有宋會聖宮大碑在
焉其碑座石四周各六步龜趺舉手僅可攀頂碑寬約八尺厚約三
尺高六七丈翹首望之聳嵒然也前後瓦礫數堆址已蕩然惟碑僅
存耳其西有紅廟為明清鄉人奉岳神之祠前有石級百餘層與此
宮無涉也再東為飯顆山其山形如饅頭相傳宋時謁陵恒享士卒
於此再東為石屹節危石嵯峨舊稱石崗近黑石關而入鞏矣

中部諸山

縣南十五里崗壘墳起曰景山商頌曰陟彼景山松柏九九是也上
有唐高宗太子宏陵在焉故人亦呼為太子塚塚甚巨南有華表天
祿碑郭翁仲等石器排列成行長約里許此山無石四周皆棉田陵

前有武則天所書孝敬皇帝敬德祀之碑為章草仆於地一任風雨
深刻樵牧損壞甚可惜也陵西五里有玉皇廟乃修陵時之行宮遺
址所改建者也如今香火頗盛此山亦名白雲山在治西南二十里
雲出即雨鄉人視為雨徵山下有紫雲洞景山之南距縣城四十里
孤峯突起是為緱山一名覆釜堆高里許周約三里上有昇仙太子
廟乃相傳周靈王太子晉在此昇仙也有唐碑武則天書體為章草
字完好額為飛白乃金石中最有價值者也又有乾隆十五年之御
碑刻七律一首傳說為扈從汪由敦所書詩曰緱嶺龍薇富岳連傳
聞子晉此昇仙割來太室三分秀望去清伊一帶綿歡豫民情他聞
苑菁茅參色我芝田孜孜求治猶多愧無暇重繙學道編又御書匾
額曰即是丹梯聯曰笙音縹緲凌秋月鶴羽翔迴駐嶺雲現今第七
區區公所及緱山高小校在其上山陽明時多柏樹稱為柏坡早已
偃師縣風土志畧

五

偃師縣圖書館印

萬安山

縣南之大山曰萬安山乃中國山脈之中幹祖崑崙而宗天山由華
岳蜿蜒而來歷靈氏經伊闕自洛陽之萬安山祖師廟峯下之水泉
鄉入境橫亘縣南東至茅嶺坂隣登封界約六十餘里又北繞至李
家壩與鞏相界處而止儼若翠屏其高低起伏處形態不一隨在異
名要皆萬安山也其最西之水泉鄉乃南枕橫山有峯隆起西曰小
凹嶺東曰大凹嶺北曰焦山數壘圍繞之中隱若一凹故其山有小

四顧大凹嶺之俗名其山嶺皆沙成岩溝中有泉三道不甚相遠而
流會於水泉口經焦山西首而入洛陽為沙河向西北去矣焦山本
不甚高山頂有寨曰焦山寨西北有石洞高深廣狹皆約二丈餘內
有穴似像二已壞其一其洞壁上造像皆滿與伊闕無異乃晉恭年
間北魏遺跡今屬洛陽者也焦山南之大凹嶺稍東為銀洞嶺因該
嶺之東崖有石堽六近視之乃古時沿石岩之石英線順崖鑿下橫
深約七丈口廣約四五尺上下六層相連共約四十丈高臨其口冷
風淒然水珠丁東作聲形甚危險確係採礦所遺岩上有字皆滿難
認惟有徐字堪辨餘則模糊不識時代難詳也由此而東為鷄兒溝
鷄兒溝者有溝四五相連其嶺皆沙岩風化成為圓頂絕無奇峻特
識處只有其中一嶺近底處有石竦然高約兩丈頭頸東向其形若
雞故名鷄兒溝坐其石上北望太尉崗之薄姑廟南北恰相照也此

溝東接豹子嶺山多沙成岩有處石英最多石英即俗之馬牙石為
做玻璃原料之一種惜實業未興採之者少也各溝皆有泉水湛流
石上西北相會於馬瑤之五龍峽冲穿而出經太尉崗與焦山之間
西北與水泉口之水會直入沙河而去查五龍峽乃銀洞嶺與豹子
嶺之山足相會處有水成岩之石嶺厚數十步橫塞其間而鷄兒溝
水冲激成峽寬約三丈高約十丈曲幽洞邃而水流其中淙淙驚耳
北有一潭在峽口處廣數尺而長為丈餘其深幽然故入峽探奇者
必由南口入焉峽左有廟俗名五龍廟其碑文為洛陽郭某作有云
神姓寧氏今寧家村寧氏乃神之裔也云云甚可怪也又按水泉口
之水其上源皆沙嶺故下流成沙河此理之顯者也但其水流不長
且無作用故俗視為窮水其出山處河中多圓石與口牧河相似水
泉口有飯店數家為洛之李村登之宋表商旅往來大道也

焦山與大四嶺之東有峯隆起形如人字俗名歪嘴山而其實非歪也其山西接鷄兒溝東臨山張南連素珠嶺北臨肖村以正面看之東西長數里東為豹子嶺西為太尉崗乃人字之兩撇也前所云銀洞嶺鷄兒溝者皆為西坡遮蔽而藏其中大有千山萬壑一時收之勢焉此山之東遙與青蘿山相接而形成為一大凹以牛心山為中心西南有箕掌山其形甚似箕掌其左角有石礮峒錯研由山後看之如獅子形然故又名為獅子山實則與箕掌為一山也箕掌山後有嶺最長其脊有巨石遠視之若羣猪然故俗以為母猪嶺或即指此為素珠嶺而余以為箕掌之西南有山圍繞峯巒累累若貫珠然皆無名可指必係素珠嶺也若以母猪嶺為素珠嶺則西南之羣山皆無名矣牛心山後正南之山口有路可通登封乃封門山也遙望

此山口之左有峯方如升底即俗名之將軍帽山也不知者說而為二迂謬孰甚又東則為四道溝乃由牛心山東與嶺相間數至青蘿山下而為溝適四也其第四溝口為宋陵採石處磨崖有字惜余未親見也四道溝之北為百坏山之西首其嶺相橫俗以為百步嶺迤邐西下與豹子嶺相拱照而成為山張以內之合水口約而言之此一大凹中羣山圍繞而牛心山適居中峯偶一登臨四顧寥濶遠近山河皆在指点中誠盛地也其廟式為四進台壁牆垣皆以石為之有石坊一石獅二石堦無數石碑亦無數也坊上有聯云蓮花座上龍璣舞寶劍池欄海渡音有一木聯云山分松火一峯仿佛當年傳啟母地是高辛遺址依稀舊俗祀郊媒足以代表風景久已膾炙人口又有一聯云二月盛會四方還供聯肩至一山羣集八荒許羊接迹來亦雅俗共賞者也山後數十武其孤嘴上去年新修一亭名曰

飛來有高福堂所為記於今年三月初七日被電掣碎碑拋於山之西坡而碑座未動鄉人莫不以為怪焉

萬安山三

四道溝之東有峯特起崖谷聳峙然上有祖師廟一座位置約在縣之中南南為懷州寨逾峽而北為百坯山蓋百坯者青蘿山之北麓與青蘿原係一山而高度次之由青蘿下左右分趨東行迄於口攷河之西岸西行迄於山張河之東岸綿亘二十餘里隨在皆可以形名者也其東趨者起伏不一故有九龍之名其西趨者蜿蜒直奔為四道溝之前枕而極西處變為土嶺直達山張之口土人名之曰百步嶺董村之南三里見其煤礦之黑查到處皆是乃前人掘礦之遺址也又南一里為黃草谷堆乃百步嶺下之一崗耳其長約百步許將軍泉即在此崗之東首谷中泉出之狀係在石塔之下有坑廣四

偃師縣風土志卷

八

偃師縣風土志卷
師樹德圖書館印

五尺石底而四周皆為黃土泉眼自翻於其內旁循土岸北流審視之其西北近石坡必其素流處也近特為農家擬作灌田用耳吾疑此黃草崗者四方居人不以為百步嶺而獨以此崗之南嶺為百步嶺夫此崗之南嶺確係青蘿山下迤西之百坯也以百坯而為百步嶺未知何故查舊志宋宣仁聖烈皇后山陵採石記云河南緱氏縣之西南二十餘里有山嶺最高形如委粟俗名粟子嶺嶺之東北下有廟榜曰山神歲在祀典而不知是何名歷詢故老莫知其實按東漢和帝紀稱永元十六年十一月己丑行幸緱氏登百坯山注云即百坯山也在洛州緱氏縣南又今緱氏之南二十里山名柏崖以此考之則粟子嶺諸山即昔日所謂百坯者也本朝列聖及母后登遊例遣官採石於山下崇奉寢陵云云據此則百坯通橫在四道溝之北與董村南之百步嶺相照是古今皆以此為百坯也更為顯然

矣。今營毛之東南坡有廟，為後周時之少姨廟。許中孚所為記云：在百岷山下。云云。據此，則百岷山東至口孜河，西至山張口，更無疑矣。百岷之南逾西峽溝，為懷州寨。其峯最高，皆與青蘿相連者也。懷州寨之東下斷崖千仞，逾峽則為焰光山矣。當屬別論。

小萬安山

懷州寨之東崖下為峽口，乃由口孜赴登封之山道也。東連三峯，在西者為火焰山，其峯一，因山之北溪谷凌亂，若火炎然，故名。而甘露寺、甘露泉、杏溝、黃大王墳皆在其正北也。在東者為馬鞍山，其峯二，遠視之若馬鞍然，故名焉。此山之東有五佛山，再東有路可通登封，曰檀樹廟嶺。再東為香爐寨，其峯尖如鐔，山腰有洞，透明在東六里。劉家溝東坡可望見之，距峯尖約七八丈。光透如斜月，約丈許，俗以此為天稱鍾。再東為柏峪溝，之後腦翠嶂若屏，乃五華坪也。查東南

諸山以五華坪為最高險，而可登，且有人住焉。其人姓常，數戶共納田租二十畝，乃屬登封者也。名之曰坪，因其斜坦。吾鄉樵蘇者多往焉。此山在偃師東南隅，遙接少室西首。由此北轉約三里，過小金溝，為官字嶺。蔣馮之戰，壕壘仍存在。劉家溝之東坡上，再北一里為尖山，峪在老馬庄上。再北逾潭溝東嶺，長約四里，為鷄鳴山。而鷄鳴山有三峯，俗名之曰筆架山，蓋即此也。自此又轉而東趨，其南麓為少林寺，屬登封。東下則為茅嶺口矣。由茅嶺以至水皇口南之小凹嶺，東西亘六七十里，偃登分界處多在山頂分水處也。柏峪溝後腦香爐寨之正北有山隆起，初名落落石，繼名雪頂，雪頂之西為佛光峪。之東盡處有自然石窰，深曲十餘丈，俗以為洞賓洞也。東為蘇垓，劉坡等處，乃柏峪溝之南端也。再北三里為熬子坪，民九鄉團曹剿匪於此，義民李保死焉。由此西轉為麥稽棚，其上有人居之，乃喬姓郭。

姓也。再西蜿蜒無名可指，直抵珍珠泉而止。此山之南有佛光寺，馬跑泉在寺前約數十步。南對馬鞍山，一溝數村，有路可達檀樹廟。嶺以通登封，乃前峪也。此山之北為柏峪溝，水經流處有喬家壩、劉家寨等村，在焉。乃後峪也。鷄鳴山之西有山西趨，約十餘里，至口改東南而止，為東萬安山。其高低起伏處，隨地異名。在三家店南者為嚴箕掌，在宋寨南者為大廟嶺，在寨子南者為小廟嶺，在火溝南者為胡芦嘴，在東口改南者為九龍角。此山之南則後峪也。蓋此處之山東西橫者共三重，佛光寺之前後峪山為二重，皆馬鞍山之前案也。發軔處雖不同，而併為西趨，故兩叙之。

（上）萬安山五

萬嶺口東逾嶺為大口，乃古轅轅關也。此關鑿山開道，長百餘步，寬四五丈，高六七丈，石壁峭立，若車箱然。自古以為險也。再東則為摩

偃師縣風土志畧

十

偃樹德圖書館印

天嶺，雄據東南，形稱其名。東腋為刁家溝，沿溝為虎頭嘴。西腋為虹蜉溝，之東坡夾而北馳，逾峽為土嶺坡。坡內有青石巉巖，其下為韓庄。坡東延平，有一嶺橫於東西，腰有石廟一座，乃乾隆三十二年六月二日所造者也。逾此而東里許，南北橫者為高凹嶺。此嶺約七八里，南盡於龍潭嘴，北盡於狼窩嘴。龍潭嘴之西為刁家溝，屬偃師南為雷家們，東南為永泰寺，正東為太子溝，為及子嶺，為牧坡，皆屬登封。東溝之下有唐垓，屬偃師。唐垓之北有小分水嶺，南為梨樹溝，水經流處北為休水之起始也。由此而東，梨樹溝為王垓村，屬鞏縣矣。狼窩嘴東應草廟溝，北應槐樹嶺，與十六溝皆鞏屬也。此嘴北端崖根即窟龍水發源處，過湯方湧也。西北有坑樓峪，與土嶺坡相連，屬遙望之有黃土數段，若熟禾然。即狼窩嘴之西土嶺坡之北，黃石所粉化之土質也。下與李家垓煤礦距甚近，而而言之，此處之山大